



## Bwrdd Cyfarwyddwyr y Coleg Cymraeg Cenedlaethol

Dydd Mercher, 27 Tachwedd 2019

11:00 – 13:00

Y Llwyfan, Cerfyrddin

### Yn bresennol:

#### Cyfarwyddwyr:

Dr Haydn E Edwards  
William Callaway  
Nia Elias  
Gwilym Dyfri Jones  
Dr Hefin Jones  
Pedr ap Llwyd  
Gareth Pierce  
Meri Huws  
Llinos Roberts  
Yr Athro Hywel Thomas

#### Sylwedyddion:

Dr Cliona O'Neill, Cyngor Cyllido Addysg Uwch Cymru (CCAUC/HEFCW)  
Lleucu Myrddin (UCMC)

#### Swyddogion:

Dr Ioan Matthews, Prif Weithredwr  
Dr Dylan Phillips, Uwch Reolwr Academaidd  
Dr Dafydd Trystan, Cofrestrydd  
Suzanne Lewis, Rheolwr Gweithredu

#### Ymddiheuriadau:

Dr Rhodri Llwyd Morgan  
Yr Athro Jerry Hunter

Eitem	Prif bwyntiau trafod	Pwyntiau gweithredu	Cyfnod amser
<b>1. Croeso a chyflwyniad</b>	<p>1.1 Estynnwyd croeso i bawb a oedd yn bresennol yn y cyfarfod.</p> <p>1.2 Derbyniwyd ymddiheuriadau oddi wrth Dr Rhodri Llwyd Morgan a'r Athro Jerry Hunter.</p> <p>1.3 Esboniodd y Prif Weithredwr fod dau absenoldeb oherwydd salwch yn y Coleg yn golygu mai Suzanne Lewis a fyddai'n gyfrifol am y cofnod.</p> <p>1.4 Dymunodd y Cadeirydd adferiad buan i ddau aelod o staff yn y Coleg, sef Nia Brown a Catherine Rees.</p>		
<b>2. Datganiadau o ddiddordeb</b>	<p>2.1 Atgoffwyd yr aelodau o'r drefn lle y gofynnir i aelodau nodi ar y daflen arwyddo presenoldeb unrhyw ddatganiadau o ddiddordeb ychwanegol at y rheiny a nodwyd eisoes yn y Gofrestr Buddiannau.</p>		
<b>3. Derbyn ac ystyried cofnodion cyfarfod 26 Mehefin 2019</b>	<p>3.1 Derbyniwyd y cofnodion fel cofnod cywir o'r cyfarfod a gynhaliwyd ar 25 Mehefin 2019.</p>		
<b>4. Materion yn codi</b>	<p>Nid oedd unrhyw faterion i'w codi.</p>		
<b>5. Gohebiaeth</b>	<p>Dim gohebiaeth i'w nodi.</p>		
<b>6. Materion Cyfansoddiadol</b>  i. Aelodaeth y Coleg	<p><i>Ymunodd Angharad Lloyd Williams â'r cyfarfod ar y pwynt hwn.</i></p>		

<p>ii. Trefniadau'r cyfarfod cyffredinol blynyddol</p> <p>iii. I dderbyn cylchoedd gorchwyl</p> <ul style="list-style-type: none"> <li>• Pwyllgor Penodiadau a Safonau Llywodraethiant</li> <li>• Pwyllgor Cyllid a Dibenion Cyffredinol</li> <li>• Pwyllgor Archwilio a Risg</li> </ul>	<p><b>Aelodaeth y Coleg</b></p> <p>6.1 Yn dilyn trafodaeth yng nghyfarfod y Llys ym mis Mawrth 2019 cyflwynwyd argymhelliad na ddylid newid aelodaeth y Coleg ar hyn o bryd. Yn dilyn trafodaeth fer, cytunwyd ar hyn.</p> <p><b>Trefniadau'r cyfarfod cyffredinol blynyddol</b></p> <p>6.2 Cynhelir y Cyfarfod Cyffredinol ar 24 Mawrth 2020 yng Nghanolfan y Mileniwm, Caerdydd..</p> <p><b>I dderbyn cylchoedd gorchwyl</b></p> <p>6.3 Cymeradwywyd cylch gorchwyl Pwyllgor Penodiadau a Safonau Llywodraethiant</p> <p>6.4 Cymeradwywyd cylch gorchwyl Pwyllgor Cyllid a Dibenion gydag un newid sef i nodi 'hyd at dri aelod arall' yn y trydydd pwynt bwled yng nghymal 8</p> <p>6.5 Cymeradwywyd cylch gorchwyl y Pwyllgor Archwilio a Risg gydag un newid sef i nodi 'hyd ar dri aelod arall yn y trydydd pwynt bwled yng nghymal 4.</p> <p>6.6 Cytunwyd i ychwanegu 'Cadeirydd y Bwrdd Strategol ôl-16' at aelodaeth ex-officio y Bwrdd Academaidd.</p>	<p>Ychwanegu'r newid i gylch gorchwyl y Pwyllgor Cyllid a Dibenion.</p> <p>Ychwanegu'r newid i gylch gorchwyl y Pwyllgor Archwilio a Risg.</p> <p>Ychwanegu'r newid i gylch gorchwyl y Bwrdd Academaidd.</p>	
<p><b>7. Polisi Iaith Gymraeg</b></p>	<p>7.1 Cyflwynwyd yr polisi diwygiedig gan Dr Dylan Phillips.</p>		

	<p>7.2 Holwyd cwestiwn gan Gwilym Dyfri Jones ynglych ymestyn y polisi i gynnwys canghennau'r Coleg a chytunwyd i ystyried hyn ymhellach.</p> <p>7.3 Cynigiodd Gareth Pierce newid geiriad yn ymwneud â 'Darparu Cyfieithu ar y Pryd' (5.4.1) i 'aelodau neu ymwelwyr di-Gymraeg'.</p> <p>7.4 Derbyniwyd y polisi diwygiedig gyda'r addasiad uchod.</p>		
<p><b>8. Pwyllgor Cyllid a Dibenion Cyffredinol</b></p> <p>i. I nodi cofnodion cyfarfod y Pwyllgor Cyllid a Dibenion Cyffredinol a gynhaliwyd ar 25 Medi 2019</p> <p>ii. I dderbyn Polisi Gwerthuso Swyddi diwygiedig</p>	<p><b>Nodi cofnodion cyfarfod y Pwyllgor Cyllid a Dibenion Cyffredinol</b></p> <p>8.1 Cyflwynwyd y cofnodion gan Pedr ap Llwyd a nodwyd bod Sterling Asset Management wedi cael eu penodi i werthuso gwaith rheolwyr buddsoddiadau'r Coleg. Nodwyd hefyd fod adolygu cyflogau uwch reolwyr i'w trafod mewn cyfarfod caeedig heddiw. Derbyniwyd y cofnodion.</p> <p><b>Derbyn Polisi Gwerthuso Swyddi diwygiedig</b></p> <p>8.2 Ystyriwyd y polisi diwygiedig ac thrafodwyd yn benodol y cymalau yn ymwneud ag apêl. Yn absenoldeb Catherine Rees cytunodd y Prif Weithredwr i ystyried y materion a godwyd cyn i'r polisi diwygiedig gael ei gadarnhau.</p>	Bydd y rheoliadau ariannol yn cael eu cylchredeg i'r Bwrdd Cyfarwyddwyr gyda'r cofnodion.	
<p><b>9. Pwyllgor Archwilio a Risg</b></p>	<p><b>Nodi cofnodion cyfarfod y Pwyllgor Archwilio a Risg a gynhaliwyd ar 23 Hydref 2019</b></p>		

<p>i. I nodi cofnodion cyfarfod y Pwyllgor Archwilio a Risg a gynhaliwyd ar 23 Hydref 2019</p> <p>ii. I dderbyn cyfrifon blynyddol archwiliedig y Coleg ar gyfer 2018/19</p> <p>iii. Y Gofrestr Risg Strategol – Hydref 2019</p>	<p>9.1 Cyflwynwyd y cofnodion gan William Callaway, a chytunwyd i'w derbyn.</p> <p><b>Derbyn cyfrifon blynyddol archwiliedig y Coleg ar gyfer 2018/19</b></p> <p>9.2 Cyflwynwyd a derbyniwyd y cyfrifon. Nodwyd bod y cyfrifon wedi derbyn archwiliad allanol glân. Nodwyd bod yr holl golled a wnaed yn ymwneud â darpariaeth pensiwn USS.</p> <p><b>Y Gofrestr Risg Strategol – Hydref 2019</b></p> <p>9.3 Cyflwynwyd y Gofrestr gan William Callaway. Trafodwyd effaith yr amgylchedd a pholisïau allanol ar y Coleg a'r risgiau a oedd yn gysylltiedig â hynny a'r Coleg. Cytunwyd i drafod yr heriau newydd hyn yn y dyfodol agos.</p>		
<p><b>10. Bwrdd Academaidd</b></p> <p>i. I dderbyn cofnodion cyfarfod y Bwrdd Academaidd a gynhaliwyd ar 16 Hydref 2019</p> <p>ii. Adroddiad llafar gan Gadeirydd y Bwrdd Academaidd</p>	<p><b>Derbyn cofnodion cyfarfod y Bwrdd Academaidd a gynhaliwyd ar 16 Hydref 2019</b></p> <p>10.1 Cyflwynwyd y cofnodion gan Dr Hefin Jones. Tynnwyd sylw at drafodaeth a godwyd gan y myfyrwyr ar sut y dylid diffinio modiwl cyfrwng Cymraeg. Esboniodd Dr Dylan Phillips (yn sgil cyfarfod â HEFCW) y bydd cylchlythyr yn cael ei ddisbarthu ymhlith prifysgolion a'u staff sy'n cynnig canllawiau, ac y bydd y Coleg yn atgoffa prifysgolion am beth yn union a olygir wrth fodiwl cyfrwng Cymraeg.</p> <p>10.2 Derbyniwyd y cofnodion y Bwrdd Academaidd.</p> <p><b>Adroddiad llafar gan Gadeirydd y Bwrdd Academaidd</b></p>		

	<p>10.3 Cyfeiriodd Dr Hefin Jones yn benodol at ddiffiniad o fodiwl cyfrwng Cymraeg, gwaith golygyddol <i>Gwerddon</i>, canllawiau newydd y QAA sy'n ymwneud â hawl myfyrwyr i gyflwyno asesiadau trwy gyfrwng y Gymraeg a chael arholwyr cyfrwng Cymraeg, a chyfeiriodd at ymateb brwd myfyrwyr sy'n medru'r Gymraeg tu hwnt i'r ffin.</p>		
<p><b>11. Adroddiad y Prif Weithredwr</b></p>	<p>11.1 Cyflwynwyd crynodeb gan y Prif Weithredwr o'r adroddiad ysgrifenedig a gyflwynwyd i'r Bwrdd.</p> <p>11.2 Mewn perthynas â chyllid nodwyd gan y Prif Weithredwr fel a ganlyn:</p> <ul style="list-style-type: none"> <li>• Mae'r cyd-destun allanol yn ansicr. Mae cyhoeddi cyllideb Llywodraeth Cymru wedi cael ei ohirio tan 16 Rhagfyr ond rhagwelir y bydd prif gyllideb y Coleg yn 2020/21 yn gyson gyda chyllideb eleni.</li> <li>• Mewn perthynas â'r chyllideb y Coleg ar gyfer y sectorau addysg bellach a phrentisiaethau adroddwyd fod trafodaethau yn parhau gyda swyddogion Llywodraeth Cymru.</li> <li>• Mae nifer o grantiau atodol wedi dod i law yn ystod y flwyddyn, oddi wrth Lywodraeth Cymru, sef: <ul style="list-style-type: none"> <li>○ £18,000 HCA</li> <li>○ £110,000 Prosiectau'r i gefnogi'r Gymraeg fel pwnc</li> <li>○ £71,000 Adnoddau ôl-16</li> <li>○ £60,000 Prentisiaethau</li> </ul> </li> </ul> <p>11.3 Cafwyd trafodaeth fer ynghylch Addysg Gychwynnol Athrawon a chyfrifoldebau'r Coleg yn y maes hwn.</p>		

	<p>Nodwyd fod y Gweinidog wedi cyfeirio mewn ateb seneddol at rôl mewn perthynas â'r gefnogaeth a roddir i hyfforddeion i ddatblygu eu sgiliau iaith Gymraeg. Nodwyd consyrn mwy cyffredinol gan aelodau am y niferoedd o hyfforddeion fydd yn medru addysgu drwy gyfrwng y Gymraeg a chytunwyd y dylai'r Bwrdd gynnal trafodaeth arall ar y mater yn fuan.</p> <p>11.4 Cadarnhawyd y bydd y Coleg yn darparu gofod ar rent i'r Ganolfan Dysgu Cymraeg Genedlaethol yn swyddfa Caerdydd o Ionawr 2020 ymlaen.</p> <p>11.5 Dymunwyd yn dda i Catherine Rees, a nodwyd bod ei chais i leihau ei gwaith o swydd amser llawn i swydd 0.6 wedi cael ei dderbyn. Bydd Catherine Rees yn parhau i weithredu fel Ysgrifennydd y Bwrdd Cyfarwyddwr ond bydd rhai o'i chyfrifoldebau yn cael eu trosglwyddo i aelodau eraill o staff y Coleg.</p>		
<p><b>12. Cynllun Strategol</b></p> <p>i. I dderbyn ac ystyried draft terfynol y Cynllun Strategol, yn dilyn yr ymgynghoriad</p>	<p><b>Derbyn ac Ystyried Drafft Terfynol y Cynllun Strategol yn dilyn yr ymgynghoriad</b></p> <p>12.1 Cyflwynwyd drafft terfynol y Cynllun Strategol gan y Prif Weithredwr. Nodwyd i'r drafft dderbyn nifer o sylwadau drwy'r broses ymgynghori ond nid oedd y sylwadau hynny at ei gilydd yn sylweddol. Cynhwyswyd mesuryddion yn y drafft terfynol. Caiff y Cynllun Strategol ei lansio yng Nghaerdydd ar 5 Chwefror 2020.</p> <p>12.2 Awgrymodd Gareth Pierce y dylid crybwyll pwnc y Gymraeg ar fwy nag un achlysur a derbyniwyd hynny.</p>	<p>Cyflwyniad ar weithrediad y cynllun strategol.</p>	

	<p>12.3 Cynigodd Gareth Pierce bod angen diffinio'r term 'pwll potensial' yn yr adran mesuryddion [sef: y siaradwyr Cymraeg sy'n astudio trwy gyfrwng y Gymraeg ym mhrifysgolion Cymru] yn hytrach na nodi 'pwll potensial'.</p> <p>12.4 Awgrymodd Meri Huws fod angen cyfeirio at strategaethau eraill Llywodraeth Cymru yn hytrach nag at un strategaeth benodol.</p> <p>12.5 Derbyniwyd y drafft terfynol gan y Bwrdd Cyfarwyddwyr.</p> <p>12.6 Adroddodd y Prif Weithredwr y byddai'r Bwrdd yn derbyn papur ac amserlen maes o law ar gyfer adrodd ar fesuryddion y Cynllun Strategol.</p>		
<p><b>13. Addysg Bellach a Phrentisiaethau</b></p> <p>i. I nodi cofnodion cyfarfod Bwrdd Strategol ôl-16 (cysgodol) a gynhaliwyd ar 5 Tachwedd 2019</p> <p>ii. I ystyried a chymeradwyo Cylch Gorchwyl ar gyfer y Bwrdd Strategol ôl-16</p>	<p><b>Nodi cofnodion cyfarfod Bwrdd Strategol ôl-16 (cysgodol) a gynhaliwyd ar 5 Tachwedd 2019</b></p> <p>13.1 Cyflwynwyd y cofnodion gan Meri Huws. Nodwyd cymaint o gynrychiolaeth o'r colegau AB a gafwyd a chymaint o frwdfrydedd a ddaeth i'r amlwg yn ystod y cyfarfod. Nodwyd bod angen sicrhau llais cryf ar gyfer dysgwyr AB. Cafwyd trafodaethau gwerthfawr a brwd am gyfraniad y Coleg mewn prentisiaethau cyfrwng Cymraeg. Yn y trafodaethau cafwyd awydd i greu agenda ar gyfer y maes. Nodwyd y bydd angen rhagor o gyllid i ddatblygu'r maes ymhellach am gyfnod canolig a hir. Nodwyd bod angen mawr am gapasiti staffio mewn sefydliadau i ddatblygu'r maes.</p> <p>13.2 Derbyniwyd y cofnodion fel cofnod cywir o'r cyfarfod a gynhaliwyd ar 5 Tachwedd 2019.</p>		



	<p><b>Ystyried a chymeradwyo Cylch Gorchwyl ar gyfer y Bwrdd Strategol ôl-16</b></p> <p>13.3 Derbyniwyd y cylch gorchwyl ar gyfer y Bwrdd Strategol ôl-16.</p>		
<p><b>14. Enwebiadau Cymrodyr er anrhydedd y Coleg 2020</b></p>	<p>14.1 Cyflwynwyd enwebiadau gan y Prif Weithredwr ac fe'u derbyniwyd:</p> <ul style="list-style-type: none"> <li>• Ieuan Wyn</li> <li>• Denise Williams</li> <li>• Dr Iolo ap Gwynn</li> </ul>		
<p><b>15. Adroddiad y Cadeirydd</b></p>	<p>15.1 Cyflwynodd y Cadeirydd ei adroddiad.</p> <p>15.2 Diolchodd y Cadeirydd i'r Cyfarwyddwyr am eu holl waith ac yn benodol am yr amser i drafod eu sgiliau a materion eraill yn ymwneud â'r Bwrdd a llywodraethiant y Coleg. Nodwyd fod yn broses flynyddol o adolygu perfformiad y Prif Weithredwr wedi ei chwblhau.</p>		
<p><b>16. Dyddiadau a lleoliadau'r cyfarfodydd nesaf.</b></p>	<p>16.1 Nodwyd dyddiadau a lleoliadau'r cyfarfodydd nesaf a daeth y cyfarfod i ben am 13:20.</p>		
<p><b>17. Hyfforddiant</b></p>	<p>17.1 Darparwyd sesiwn hyfforddiant i aelodau'r Bwrdd ar eu dyletswyddau fel cyfarwyddwyr ac ymddiriedolwyr gan Fflur Jones (Darwin Gray).</p>		